

武庫司

軍功 一冊
武科 一冊
軍器 一冊
兵籍 一冊
發配 一冊



兵部則例

武庫清吏司

軍功

一議叙八旗軍功通例

國初定大兵凱旋之後。統兵將帥。實叙官兵勤勞情形。分別等第報部。由部覈實議叙。給以功牌。有應受爵者。咨吏部授爵。應注冊者。由部注冊。功牌之式。以紫綾爲面。用潔白厚紙。注明功績等次。四邊印螭文。凡填功績年月處。鈐用部印。編次號數。覈對給發。一等功牌。長二尺八寸。二



等功牌。長二尺四寸。三等功牌。長二尺二寸。四等功牌。長二尺。五等功牌。長一尺八寸。各廣尺有五寸。○順治五年題準。統兵大臣。能平定地方。不使良民陷於困苦者。凱旋之日。由部議定等第升賞。其出奇制勝。遣發軍士。攻城克敵者。雖未親身臨陣。亦照所得軍功等第議叙。○九年題準。出征委署官。立有軍功。如係原官身故。及患病額闕。委署者。準其議叙。額外委署者。不準。○又題準。出征軍功。凱旋之日。各令請功。如於已定等第之後。或稱前功遺忘。再行請給。或

稱前次未經請給。欲俟後得功牌。並請。或稱因事耽誤者。均不準行。若果在請功之先。實係因公差遣。許統兵大臣。暨該管官。開具所由。送部註冊。俟差竣日請功。○十四年議準。出征護軍校。驍騎校。及署護軍校。署驍騎校。有一等軍功四次。復有二等三等四五等功牌者。授以世爵。不足者註冊。陣亡者給一雲騎尉。○又題準。出征護軍校。驍騎校。員闕。委署者。委署官立功後。即照護軍校。驍騎校。議叙。額外委署者。不準。○康熙十三年題準。八旗驍騎奴僕。得過一等功

牌三次者。準其開戶。○十九年奉

旨。旗下從征僕人。得功牌二次者。許其出戶。○二十二

年議準。官兵攻城對陣。若於敵人未動之先。被傷退回。及敵人既敗。不行追擊者。均不準請功。

○雍正二年奉

旨。嗣後文官在軍前効力者。令兵部議叙。○十年奏準。

凡軍功人員於議叙之時。該將軍等所送戰功等第原冊。由部覈實。如立有一次戰功者。即予一次功牌。有數次戰功者。即予數次功牌。○乾隆七年奏準。出征立功人員。除例有專條者仍

照例遵行外。其餘所得戰功。應以兵數之衆寡。定立功之等第。如敵兵甚衆。官兵甚少。進戰取勝。勞績最著者。爲一等軍功。敵兵甚衆。官兵畧少。進戰取勝者。爲二等。兵數相等。進戰取勝者。爲三等。官兵甚衆。敵兵畧少。進戰取勝者。爲四等。我衆敵寡。進戰取勝者。爲五等。以上所立功績。均令統兵大臣。據實分別造冊報部。由部覈明等第。給以功牌。如有出衆効力。並奉

旨從優議叙者。由部臨時酌量奏請。

詳見職方司

○又議

準。造報各項軍功。有鋪飾誑奏者。均革職。如屬

員謊報者。將本人革職。不行詳察。遽為轉報之。該管將領降三級留任。統兵大臣降二級留任。如將有功之人屈抑不報。無功之人冒濫開列者。該管將領降二級調用。統兵大臣降一級調用。其造報冊籍繁多。偶有遺漏者。該管將領罰俸一年。統兵大臣罰俸六月。以上造報不實之功績。應改者駁令改正。遺漏者即令補造。

一臨陣衝鋒。順治十四年題準。大兵所到之處。敵人掘濠排柵。列陣對敵。我師進攻。敵人堅壁不動。有於衆軍內。能奮勇爭先。越衆前驅。衆軍

隨進克敵者。第一人賞銀百兩。咨吏部授爵。第二人賞銀八十兩。給越衆前驅二等功牌。第三人賞銀六十兩。給三等功牌。均注冊。俟後復有越衆前驅之功。將兩次三等功牌。準作一次二等。積至兩次二等者。咨吏部授爵。交鋒之際。有於本旗行隊之前。越衆衝鋒。本旗大隊隨進克敵者。第一人賞銀五十兩。給本旗前進一等功牌。第二人賞銀四十兩。給二等功牌。第三人賞銀三十兩。給三等功牌。俟後再有本旗前進功。將兩次三等功牌。準作一次二等。兩次二等功

牌。準作一次一等。積至三次一等者。咨吏部授爵。其隨隊伍進攻。或隨衆斬射。或追擊敗兵。或於敵少處進攻者。均不在給賞授爵之例。○康熙元年題準。大兵出征。如敵人掘濠排柵。列陣相持。我兵力戰不退。八旗執纛人。有能鼓勇前進者。賞銀百兩。咨吏部授爵。次進者。賞銀八十兩。又次進者。賞銀六十兩。如官兵前進將及十人。執纛人續進者。第一人。賞銀五十兩。其餘均不給賞。若整兵對敵之時。一旗內。有一叅領下執纛人。在衆叅領之前首進者。賞銀五十兩。注冊。

給一旗執纛首進。一等功牌。俟後立功。有三次一等功牌。咨吏部授爵。執纛人次進者。賞銀四十兩。又次進者。賞銀三十兩。如官兵前進將及十人。執纛人續進者。賞銀二十兩。餘不給賞。以上均令統兵大臣。分別等第。造冊送部。執纛人軍功三等以上者。準其給賞。四等以下不準。○康熙三十五年

諭。領侍衛內大臣以下官軍廝役人等。有能踰鹿角營進擊者。作何給還本主身價。令其出戶。以示鼓勵。著集議具奏。欽此。遵。

旨議準。官軍家下兵丁。及隨役內。於駱駝營。或鹿角營。或列陣對敵之地。有能奮勇前驅。衆人隨後殺敵。追逐者。將奮勇前驅之家下兵丁。隨役本身。及其父母妻子。均著出佐領爲正戶。仍照例按人口。給還伊主身價。○雍正四年覆準。隨從王等出征。護衛各官。果有奮勇爭先。不顧身命者。令統兵大臣。列叙功績。分別等第。造冊報部。照出征衝鋒官。一例議叙。○十一年

諭。前年令家選兵丁出征時。朕曾降旨。特沛恩膏。俟伊等成功回日。將伊等妻子。均於伊主家中開出。作爲

正戶。其各路出征人等。內有開戶分出領催。驍騎。伊等久住軍前。著有勤勞。甚屬可憫。著交各路將軍大臣等。將此等開戶領催。驍騎內。如有効力好者。令各該大臣。將姓名注冊。俟大兵凱旋之日。將伊等家選兵丁。作爲正戶。欽此。○乾隆二年奉旨。開戶兵丁。在軍營効力。列在一等二等者。均準作爲正戶。欽此。○又奉

旨。家下驍騎。及家人抱養之子。既在軍營効力多年。著加恩。照開戶兵丁例。均準作爲正戶。欽此。一攻城。順治四年題準。官兵用大礮擊破城垣

者其擊陷處所都統副都統準給末等軍功○
五年題準凡攻克城垣者止將在先官兵議叙
○八年題準官兵用雲梯攻克府城者賞五人
第一人賞銀五百兩第二人三百五十兩第三
人二百五十兩第四人百五十兩第五人百兩
領戰官照第二人例指路官照第三人例射箭
官照第五人例昇雲梯人各賞銀三十兩攻克
州城衛城者賞四人第一人賞銀四百兩第二
人二百五十兩第三人百五十兩第四人百兩
領戰官照第二人例指路官照第三人例射箭

官照第四人例昇雲梯人各賞銀二十兩攻克
縣所城者賞三人第一人賞銀三百兩第二人
百五十兩第三人百兩領戰官照第二人例指
路官照第三人例射箭官各賞銀五十兩昇雲
梯人各賞銀十兩用大礮攻城不論府州縣衛
所均賞三人第一人賞銀二百兩第二人百兩
第三人五十兩領戰官照第二人例指路官照
第三人例射箭官不給賞大礮手克府城各賞銀
十五兩克州衛城各賞銀十兩克縣所城各賞
銀五兩如礮手內有効力多者酌量優賞其掘

毀克城者。領戰官。照雲梯克城第一人例給賞。護軍校。驍騎校。照末等人給賞。効力兵丁。照昇雲梯人例給賞。登城者。照用大礮克城例給賞。奪門入城。及無雲梯而疾走登城者。賞三人。第一人。賞銀百五十兩。第二人。百兩。第三人。五十兩。領戰官。照第二人例。指示官。照第三人例。○又題準。用大礮攻城。令八旗會於一處。同時點放。叙功時。分別城之等第。照雲梯克城例。減一等議叙。每大礮一位。準議叙官一人。多委者不準。每叅領下。有大礮二位以上者。叅領亦準議

叙。其都統。副都統。及兩旁管放礮官。均準照例議叙。○十七年議準。凡攻城。以城之大小。攻之難易。為等次。如城中敵兵堅守。我師從梯登陴。艱苦攻克者。為一等。敵兵擁衆。主帥設謀制勝。士卒從梯攻克。不甚艱苦者。為二等。敵兵雖寡。守禦甚堅。我師從梯登陴。艱苦攻克者。為三等。敵兵既寡。主帥復出謀制勝。士卒從梯攻克。不甚艱苦者。為四等。敵兵寡弱。守禦猶堅。我師從梯艱苦攻克者。為五等。一等城。叙六人。第一人。授一等輕車都尉。第二人。授二等輕車都尉。第

三人。授三等輕車都尉。第四人。授騎都尉兼一雲騎尉。第五人。授騎都尉。第六人。授雲騎尉。領戰官。授騎都尉。指路及射箭官。授雲騎尉。二等城。叙四人。第一人。授三等輕車都尉。第二。至第四。以次遞減。餘準此。領戰等官。與前同。三等城。叙三人。四等城。叙二人。領戰官。授雲騎尉。指路官。克兩城者。授雲騎尉。五等城。叙一人。領戰官。克兩城者。授雲騎尉。克一城者。注冊。克州城者。減府城一等。克縣城者。減州城一等。衛城。與州城同。所城。與縣城同。如敵兵據寨築城。我師艱

苦攻克。各視其寨之大小。與城之等次。相較議叙。

一水戰。順治十四年定。水戰時。有能超登敵舟。殺賊獲衆者。統兵大臣。驗明舟之大小。分爲三等。注冊。一等舟。賞五人。先登者。賞銀二百五十兩。第二人。二百兩。均咨吏部分別授爵。第三人。賞銀百五十兩。給一等舟。三等功牌。第四人。賞銀百兩。給一等舟。四等功牌。第五人。賞銀五十兩。給一等舟。五等功牌。均注冊。俟後復有登一等舟戰功。將兩次五等功牌。準作一次四等。兩

次四等功牌。準作一次三等。積至兩次三等者。咨吏部授爵。二等舟。先登者。賞銀二百兩。移咨吏部授爵。第二人。賞銀百五十兩。給二等舟。二等功牌。第三人。賞銀百兩。給二等舟。四等功牌。均注冊。俟後復有登二等舟戰功。將兩次四等功牌。準作一次三等。兩次三等功牌。準作一次二等。積至兩次二等者。咨吏部授爵。三等舟。先登者。賞銀百五十兩。給三等舟。第一人。賞銀百兩。給三等舟。第二人。賞銀五十

兩。給三等舟。三等功牌。均注冊。俟後復有登三等舟戰功。將兩次三等功牌。準作一次二等。兩次二等功牌。準作一次一等。積至兩次一等者。咨吏部授爵。其三等以下常舟。不列等次。先登者。賞銀八十兩。給常舟。一等功牌。第二人。賞銀六十兩。給常舟。二等功牌。第三人。賞銀四十兩。給常舟。三等功牌。均注冊。俟後復有登常舟戰功。將兩次三等功牌。準作一次二等。兩次二等功牌。準作一次一等。積至三次一等者。咨吏部授爵。以上超登敵舟。殺賊獲衆戰功。視舟之等

次遞減一等。準其積算。如登一等舟之第三人。後得二等舟。二等功牌。或得三等舟。一等功牌。或得常舟。兩次一等功牌。均咨吏部授爵。餘準此。若追獲空舟。小舟。及敗走舟者。不在給賞授官之例。統兵大臣。不將先登情由。及所獲舟數。分別等次者。止照常舟例給賞。在舟督戰官。照第二人例。餘官。照第三人例。護軍校。驍騎校等。照第四人例。均按舟論功。

一。招撫。順治五年題準。招撫兵五千以上。舟五十以上。及官民未徙之完城者。統兵大臣。分發將領。及將領下遣去招撫之人。均準議叙。康

熙十二年覆準。招撫兵千人以上。舟三十以上者。爲五等軍功。兵千五百。舟四十以上者。爲四等軍功。兵二千。舟五十以上者。爲三等軍功。兵二千五百。舟六十以上者。爲二等軍功。兵三千。舟七十以上者。爲一等軍功。兵三千五百。舟八十以上。及招撫僞王竊據之府城者。均臨時酌量。從優議叙。招撫府城。爲一等軍功。州城。爲二等。縣城。爲三等。衛所城。爲四等。有名寨崖。爲五等。叅贊之都統。護軍統領。副都統。分發將領。與

將領下遣去校長及預事各官均準議叙不預事者不準

一議叙軍前立功病故官兵雍正元年

諭進藏及克復臺灣有功官弁其見在者已邀恩議叙惟身故者未得議叙同為國家立功之人乃以身故之後不得均沾恩卹朕心深為憫惻爾部著即酌加議叙著為定例以副朕褒錄有功之至意欽此遵

旨議準八旗武職立功身故者無論功績大小官給監生一人食七品官俸護軍校驍騎校給監生一人食八品官俸均於子弟內充補至病故兵丁

委署官護軍校驍騎校等各給祭奠銀二十兩再折給功牌銀五十兩永為定例○乾隆四年奏準八旗武職立功病故所給監生應按其立功之等第以定監生之品級嗣後出征立功未經議叙身故者統兵大臣將該員立功大小分別等第造冊送部係一等二等軍功給該員子弟一人監生食七品官俸三等四等軍功給一人監生食八品官俸準其隨旗行走遇有應升仍照例簡選係五等軍功給該員子弟一人監生○照捐納監生例準其應試○七年議準軍前

立功病故官。既按功績等第。分別議叙。其賞給兵丁銀。亦應分有差等。嗣後兵丁及委署官員。護軍校。駙騎校等。立功病故。除照例各給祭奠銀二十兩外。係一等軍功。折給功牌銀五十兩。二等軍功。四十兩。三等軍功。三十兩。四等軍功。二十兩。五等軍功。十兩。



